



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologiae Mysticae Sive Exercitiorum Spiritualium Admodum Reverendi Patris P. Aloysii Siderei, Alias Vincentii Caraffa, Societatis Iesv Praepositi Generali, Tomvs ...

ex Italico Latino recenter idiomate opera et studio fidelissimi cuiusdam
interpretis donatus

Iter ad coelum in quatuor partium Semitas seu partes, & Fasciculum
Myrrhæ

Caraffa, Vincenzo

Coloniae Agrippinae, 1660

3. Consideratio.

[urn:nbn:de:hbz:466:1-49363](https://nbn-resolving.org/urn:nbn:de:hbz:466:1-49363)

terminatur, populo exultante pro sumptione Mysterii, & Mysterii, & Sacerdote per orationem gratias offerente: *Matth. 26. ut & Christus, celebratâ cœnâ cum discipulis, hymnum dixit. Et hæc est vltima pars & finis Missæ.*

Post Missam.

CONSIDERATIO I.

In gratiarum actione post Missam immediate rogabis Christum D N intra te præsentem, vt tanquam sacrificium cedat in gloriam Dei, totiusque Mundi salutem, frequenter replicando tria hæc verba: Gratia, Domine, Sanctitas & Gloria, modo supra dicto; & tanquam Sacramentum cedat in utilitatem tuam, eliciendo actus Fidei, Spei, & Charitatis in Christum, & sanctissimam eius Matrem, dicendo: Credo, Spero, Amo te, Jesu dulcissime: Credo, Spero Amo te, Maria dulcissima. Unde & precaberis sanctissimam Virginem, vt tibi efficaciter applicet pretiosum sui Diuini Filii Sanguinem. Recordando etiam memoria effusiones Sanguinis Christi deprecaberis eundem, vt septem virtutes eis correspondentes tibi elargiatur. Simulque vota tua renouabis.

CONSIDERATIO II.

Statio seu domicilium, in quo die isto tibi commorandum est, erit altare, vbi manè celebrasti: *Altaria tua, Domine, virtutum, Rex meus, & Deus meus.* Unde præcipue te occupabis in sacrificando & communicando, nimirum, spirituali modo, in cooperando effectibus Sacrificii & Sacramenti, in præstando opem, tam spirituales, quam temporalem proximo tuo. Quare frequenter dices: *Immolo Deo sacrificium laudu, pro nostra & totius Mundi salute, in odorem suauitatis, Amen. Pannem caelestem accipiam, & nomen Domini inuocabo. Diuinorum Diuinissimum cooperari Diuinissimo Sacramento in salutem animarum.* Et præterea sæpè repetes verba ista: Gratia, Domine, Sanctitas, & Gloria oratio, ac imaginando tibi, ac si stares ante altare modo supra dicto.

CON-

CONSIDERATIO III.

Instat legalis Sacerdotis, qui fuit figura Sacerdotis Ev- *Exod. 28;*
 angelici te gerens. Primò debes esse purissimus, totus
 Cœlestis & Crucifixus. Has virtutes indicat iria illa Sa-
 cerdotis vestimenta, vestis alba sine roga Hyacinthina
 coloris cœlestis, & superhumeralis, quod vocant *Ephod*,
 & dicitur *Crux*. Et tintinnabula cum malis punicis ex
 otis secundæ vestis propendens significant, quod alios
 concionibus & exhortationibus proprio etiam sanguine
 sigillatis & confirmatis ad patriam cœlestem pertrahere
 debeas. Secundo magnam erga proximum exhibebis
 caritatem, illuminando eum doctrinâ & exemplo tuo,
 idque significabat vestimenti illius gestatio, quod gesta-
 bat Sacerdos in humeris & ante pectus suum, cui inscri-
 ptæ erant nomina filiorum Israël, & verba illa *Doctrina*
 & *Veritas*, Rationali iudicii appositâ. Ut inò tribus, his-
 que continuis occupaberis exercitiis: Passionis Christi,
 orationis, & mortificationis significatis nomine *Iehova*,
 quod in fronte ferebat summus Sacerdos, idemque so-
 nat, quod *Ipsè principium Passionis vitæ*, & incenso, quod
 inâ manu gestabat, & sanguine Agni, quem alterâ tene-
 bat manu.

CONSIDERATIO IV.

Semper oculis mentis tuæ quinque ista obueisabun-
 detur exercitia deuotionis: erga sanctissimam Trinita-
 tem: Passionem Christi: sanctissimum Sacramentum:
 Beatissimam Virginem, & Angelum Custodem tuum,
 dicendo continuo: Laudata & benedicta sit semper san-
 ctissima Trinitas, Pater, Filius, & Spiritus sanctus: san-
 ctissima Passio Domini mei Jesu Christi: sanctissimum
 Sacramentum: sanctissima Mater Dei: Angelus meus
 Custos cum tota cœlesti Curia per omnia sæcula sæcu-
 lorum Amen. Agendo simul gratias pro Sacrificio
 Missæ peracto, & petendo gratiam pro
 futuro celebrando.

CON,